

"ORGANIZACIJA RADA NA KONZERVACIJI I
RESTAURACIJI DOKUMENATA I KNJIGA
U JUGOSLAVIJI"

Pod ovim naslovom štampan je članak ing. Tatjane Ribkin-Puškadija u časopisu Informatologia Jugoslavica 3 str.23--36. u izdanju Referalnog centra u Zagrebu.

Kako ovaj članak donosi dragocjene podatke o radu ove službe koja je od neposrednog interesa i za sve naše muzeje, to donosimo ovu informaciju kojom se muzeji mogu koristiti za konzervaciju i restauraciju često vrlo vrijednih i dragocjenih povelja, dokumenata, knjiga grafika i drugog sličnog materijala u svojim zbirkama.

U uvodu autor donosi slijedeće definicije:

K o n z e r v a c i j a je skup preventivnih i zaštitnih mjera koje se poduzimaju da bi se knjige i dokumenti sačuvali od daljnjeg oštećenja i propadanja. R e s t a u r a c i j a je skup postupaka koji se poduzimaju da bi se već oštećeni dokumenti i knjige učinili pristupačnim korisniku i zaštitile od potpunog propadanja. -

U članku daje se historijski pregled nastojanja na konzervaciji i restauraciji dragocjenih historijskih dokumenata i osnivanje prvih instituta i laboratorija za ovu djelatnost u svijetu i kod nas. Od posebnog je značenja prikaz sadanjeg stanja ove službe u svim našim republikama i pokrajinama, sa opsegom i tematikom rada i djelovanja, sa laboratorijima, opremom i stručnim kadrom koji radi isključivo na ovim zadacima. Navedene su i ustanove koje su izdale skripte ili publicirale napise iz ove tematike na koje se muzeji mogu obratiti za stručnu literaturu.

Članku je priložena i tabela stručnog kadra u svim radionama i laboratorijima u Jugoslaviji (koji su odgovorili na anketu) po kojoj se vidi da na ovim zadacima rade 13 sa VSS, 2 sa VSS, 37 sa SSS-VKV-KV, 11 sa NSS - ukupno 63 radnika. Ovaj broj radnika - "s obzirom na velike količine oštećenih, a vrlo vrijednih dokumenata i kopija je suviše malen"! Ako se ovome dodaju još i skućene finansijske mogućnosti naših ustanova onda su i perspektive na zaštiti i spasavanju ovog fundusa vrlo ogranićene.

Smatramo da je vrijedno istaknuti konstataciju koju donosi autor: "nivo rada u većini naših laboratorija i radionica za restauriranje knjiga i dokumenata, naravno u okviru naših materijalnih mogućnosti, nimalo ne zaostaju za onima u inozemstvu".